

ШОРКАР ГЕРБЕР

Трос сэрего, мур пуштросо



Куно пумитан.



Жук вöсян.

Мария ВЕКШИНА

Ижгарысь Гербер-лэн туэ аспöртэмлькo шöмыз вал: дышем сямяя эктэм-кырзам сяна, адямиос тодматскизы фин-угор калыктьёсын, зымылйы удмурт литературае но визьзэс сыназы. 12-тй инвожое Кызыпу арамаын ог 20 азбартьёс вал.

Туэ шулдырьяськонэз Индустриальной ёрос администрацилы но «Удмурт Кенеш» огазеяськонлы радъяны юрттйськиз Удмурт филармония. Озы валтйсь сцена вылын, Ижкысь пöртэм ансамбльёслэн - «Инвожо», «Тюрагай», «Чильтэр» но мукет - куараоссы сяна, чузъяськизы филармониясь «Шулдыр жыт», «Италмас» ансамбльёслэн кырзангыёсы.

Гербер локаз пöртэм калыктьёсты. Кылсарысь, Герберен, Россилэн, Ижкарлэн нуналгыёсынызы зечкыланы

шаерамы юромо вуизы Кун Думаысь депутатъёс, озы зечкылан кылгыёс чузъяськизы удмурт, коми, бурят, жуч но мукет кылгыёсын. - Гербер - шулдыр праздник, со огазея пöртэм калыктьёсты, пöртэм арлыдъем адямиосты, - бадъым сцена вылысен пусйиз «Удмурт Кенеш» огазеяськонлэн төроез Татьяна Ишматова. - Сюлмамы но, луламы но котьку но зеч мылкыд, юн тазалык мед луоз. Мед чузъяськоз удмурт кылмы, удмурт кырзангыёсмы, пиналгыёсмы мед данъяськозы удмурт луэменызы.

Тунсыко азбарез вал «Удмурт Кенеш» огазеяськонлэн. Таяз радэ «кенешчиос» бурд улазы люканы малпазы пöртэм фин-угор калыктьёсты. Чузъяськизы пор, мордва, удмурт но мукет кылмы кырзангыёс. Котькуд адями аслыз сюлэмызъя шутэтскон сэрег шедьтйз. Нылпиос шудйзы «Билингва» азбарын, кырзаны но эк-

тыны яратйсьёс люкаськизы бадъым сцена азе, кылбурлы синмаськисьёс - пичи сцена доры. Асьсэ чуръёссэс лыдъизы удмурт кылбурчиос - калык татын но öжыт öй вал.

- Гербере потано шуыса, азьвыл аръёсы вераськылймы, таяз радэ азбармес радъяны пöрмиз, - шуэ Йöскалык библиотекалэн шаертөдонъя ёзэтэныз кивалтйсь Татьяна Николаева. - Тау филармонилэн кивалтйсьезлы Алексей Фоминлы, со шуиз: калык дышемн ни удмурт кырзангыёс улсын шулдырьяськыны, Гербере выжыятоно мур пуштросо, малпаськытйсь ужрадъёсты но. Гожъяськисьёслэн но калык азе потыны мылкыдзы вань.

Йöскалык библиотекалэн азбараз кылбуръёссэс лыдъизы 10 мында кылбурчиос. Со сяна, борданы итйськизы вотэсысь «Инстаудмурточка» мара-

фонэ пырыськем удмурт нылгыёс. Соос но асьсэ сарысь веразы, кылбуръёс лыдъизы.

- Сцена вылысен мон лыдзи К. Гердлэсь «Мон кизисько гинэ» кылбурзэ. Та кылбур пöртэм арлыдъем адямиосты герзэ, соин ик көня ке чурзэ лыдъиз нылы но. Чебер пöрме! - вера «инстаудмурточка» Елена Ильина.

Зэм, таёе ужрадъёс бере ик кылбурчиос асьсэзыс кылбурчиен золгес шöдыны кутско, литературалэн öраз мургес пыро.

- Туэ гожъяськыны мылкыды öй вал. Малпай: туннэ ужрадын выль кылбурме воксё уг лыдъизы. Асме киям кутй но, выль чуръёсы кылдытозь, умме усыныны öй быгаты, - пуэе Татьяна Чернова кылбурчи.

Ижкар Гербере тросзэ калык дышем сямен ветлэ: удмурт омырен шоканы, шулдырьяськыны, жук сиыны... Шуо, арысь аре, пе,

шулдырьяськонын весь марке вылез кылдэ. Ваньмыз кельше шуыса ветло Гербере нырысьсэ кожемъёс но. Тани Пичи Пурга ёросысь Бобья-Уча гуртысь «Бубби гуръёс» ансамбльысь кенактьёс, пе, «первойзэ» лыктйм, юромо нимыстыз автобус курыса.

- Адём ай, кыёе мар шулдырьяськон орчче, - шуо кенактьёс. - Ми, пенсионеръёс, выступать карыса ветлыськомы. Вуоно арын милемыз но öтйзы ке, синмаськизы ке, лыктомы.

Калык öз бырылы «Удмурт дунне» газетлэн, Мунё театрлэн, К. Герд нимо йöскалык музейлэн, «Лудорвайлэн» азбартьёсазы, тодочислэн куаазы, киужтьёсын выронъя сэрегъёсын... Бер жытозь Кызыпу арамын эктйзы, кырзаны. Егитъёс позырьяськизы Александр Митюхин крезгур суралтйсьлэн (диджей) ужъёсыз улсын. ***

«УДМУРТ ДУННЕЛЭН» АЗБАРЕЗ

Пурьыстам из но Лек шур

Елена ПАНФИЛОВА

Гербер шулдырьяськонын, котьку сямен ик, ужал «Удмурт дунне» газетлэн азбарез.

Татын «Удмурт дунне» газетлы гожтйськыны луиз, гожтйськисьёс пöлын лотерея радъяськиз. Со сяна, туэ нырысьсэ «Удмурт дунне» газет радъя «Дунне питран сёры...» квест.

Шудонэ пырыськиз 3 команда: «Мынам Удмуртие» ТРК-ысь журналистъёс, «Валамон, Паримон» (Ижкысь Индустриальной ёросысь «кенешчиос») но «Малыок» (К. Герд нимо нылпи садысь воспитательёс).

Квестэ пырыськисьёс «сёд куужымъёсын» нюръяськоно но удмурт калы-



Газетлэн «Дунне питран сёры...» шудоназ вормиз «Валамон, Паримон!» команда.

кылы «Удмурт дунне» газетэз берыктоно луизы. Со понна соос пöртэм шугсекытгыёс, визь сынангыёс пыр потйзы.

Квестэ пырыськись котькуд командалы сётэмын вал нимыстыз карта. Соосъя Кызыпу арамаей бызълыса, командаос ортчизы «Книга», «Удмурт Кенеш», «Удмурт дунне» но мукет азбаръёстй, Лек шур вамен потйзы. Соослы тунсыко потйз Кызыпу арамаысь «пурьыстам» иззэз утчан. Тросзэ паркетй поръясьёс со бадъым из дортй ик ветло, но сое адзем но уг каро. Со дыре ик та из, пе, герзаськемын куд-ог удмурт азьветлысьёслэн быдэсмымтэ осконтьёсынызы. Кыёе из сарысь вераськон?

Кытын со интыяськемын? Иззэз шедьтыса, со вылысь гожтэмез лыдъёно, сое телефонэ пуктоно вал.

Эк, бызълызы ук командаос! Квест адямиослэсь йырвизьзэс сыназ, жог но йöспöртэм малпаськыны быгатэмзэс эскериз. Нош «сёд куужымъёсын» лушкам «Удмурт дунне» газетъёсын бадъым коробкаез ваньмызлэсь жог шедьтйз «Валамон, Паримон!» команда. Зечкыласьком! Оло нош, минутлы гинэ бере кылиз «Мынам Удмуртие» ТРК-лэн командаез.

Вормисьёслы кузьым - командаысь котькуд адямилы «Удмурт дунне» газетлы дунтэк гожтйськон. Со сяна - нимыстыз тау каронгыёс. ***

Тусуэгтйз Максим ЕГОРОВ

Тусуэгтйз Максим ЕГОРОВ